

灤縣志

531号

三五九二

書
号
第14册
登214567

登記號碼 35年6月28日
3676

溶記美利利印刷公司代印

灌縣志掌故文徵
第十四册 书号 3592

灌縣志
十卷齋
沈懋署



重修灌縣志職員錄

主修

縣知事葉大鏘蘇德峻吳嚶李肇焜游道本蕭克昌賀孝齊范天烈張紹和游明徵趙志懃王進修縣長高凌霄唐濬陳先甲吳仁軒張希鑾

總纂

羅駿聲

協修

尹席珍劉孝先賈開第尹全鎮

監理

蔡光清楊念基

校勘

灌縣志

卷首 職員錄

曾本麟余止善

採訪

陳國祥曾本麒葉春祺申嘉績李世瓊馬繼芬謝祖安仰光漢許憲烈
蕭應銳周綱何治平唐瑞麟王楨幹唐際虞張文藻曾述言高龍門袁
維綱楊懷德何樹勛陳國英楊大爲楊開培陳光潤羅集慶宋開肅羅
經緯游道祥魏含貞羅培英柳紹莊周迺衡徐士林鍾辰丞侯鴻圖彭
錫光尹大林楊茂廷程朗蕭士彬李鏡蓉衛繼榮周鴻祺楊乃文金運
昌周光煜吳士楨王浩然吳光第張家駿

繕錄

蕭光濟羅守先傅汝礪楊棟雲雷炳文

民國初邑人擬修縣志遷延不果十四年十月知事葉君劍鳴始照會駿

任總纂兼攝局長會同延聘採訪協修監理校勘諸人才短費絀進行頗
難其志稿創於尹君聘之者約十之四創於劉君敬珊賈君選臣者各十
之一餘創於駿尹君守藩則時來局中有所商推文徵掌故皆駿所輯而
余定夫曾述之曾玉書三君與有力焉趙知事曾邀集法團機關耆宿審
查衆無異議屬駿修飾而整齊之是役也時經七載稿凡三易僅得蕙事
久幸邑人之望不敢告勞祇增慚作匡所不逮且待名賢二十一年七月
羅駿聲識

灌縣志

卷首 職員表

敘例

方志權輿上古非專志地蓋史裁也周禮外史掌四方之志孟子稱晉乘楚
檮杌魯春秋其文則史莊子亦言百二十國寶書比附今箸實府州縣志之
列耳雖封建罷爲郡縣體制既殊不盡協於國史而民彝物則今昔攸同其
文獻之上備史館徵取者與行人獻書太史陳書有異哉秦漢以降土宇日
擴分地紀載勢所必然隋書經籍志所錄有圖經政記譜牒文徵人物風土
古蹟諸類宋以後乃萃聚各體成爲方志而府志最先其綜括上達爲省志
分析下達則爲縣志清四庫著錄與僅存目者凡數十種康熙間迭頒修志
明詔新舊廢續多至數千種設局衆修固難言著作然如康熙之鄒平濟陽
諸志乾隆之太倉富順諸志嘉慶之鳳臺長安諸志道光之寶慶清河
南海湘潭諸志類經名儒主撰參訂斐然成章其次亦博引繁徵足補史乘

灌縣志

卷首 敘例

三

而地方文化發展更因比較而得其消息所以可貴也方志之爲利如此而
載筆每苦於蕪雜矯其枉者又或過正如明康海之武功縣志僅二萬餘言
韓邦靖之朝邑縣志僅五千七百餘言芟夷典要其失維均自清中葉斯學
漸昌謝蘊山志廣西始綜古今確定體例識者矚之其能發明方志之真義
者尤莫如學誠章氏彼負創作天才於文史通義外篇既抉精蘊而特表見
於湖北志稿及和州亳州永濟三志中誠著述之盛業後來之儀型也夫國
之成立基於地方區域方志擬於國史蓋具體而微用在彰往察來前之是
非即後之因革所本故必重視文物之嬗進臚其蹟而闡其微作者率於成
例株守界局往往略大端詳細目支離破碎無以會其要流斯蔽矣駿與諸
君子承修灌志學殖荒落歧路徘徊所望棄短取長集思廣益於古不戾而
於今有裨楊槩質實徵信將來力雖未能不敢不勉庶有宏達糾而正之謹

條例目如左

國立於民民依於地國家所寶土地爲先郡縣固國之一部也周禮形方氏掌邦國之地域而正其封疆山師川師各掌其山林川澤之名原師則辨邱陵墳衍原隰後世方志首列輿圖此其嚆矢夫言地貴能通今而尤資證古綜挈提封疆域具在而山川形勢每因人事爲轉移其間建置區畫因革不常鉤覈偶疏則全局皆誤至於益述山海古蹟附詳灑注水經墳墓並載按籍徵考最便推尋茲則變通舊例以類相從綱舉目張俾有條貫惟分野之說不適於時節去天文特著經緯氣候卽憑暑度變化亦隨地形連類及之用存梗概述輿地書第一

古者分封建國必備制度統壹萬類經緯百端固有司存矣觀於周營新邑卜洛卜瀝衛徙楚邱作宮作室規模弘遠可概庶邦蓋自城郭廟社以及官

灌縣志

卷首 敘例

四

署學校倉庫之位次並有準繩外則園廩都鄙道路之經營不遺微細於以宣布政教若網在綱有條不紊焉郡縣制興權位斯降然長吏南面臨人不啻古侯國也道有升降典無廢闕豈容弛而不舉哉世運更新營造日廣交通要政乃速電郵達路蕩平不僅都會寺觀雖非經制而旣麗且崇美兼藝術抑亦百工之成績藉資觀感宜附及者也述營繕書第二

昔神禹治水隨山浚川通道陂澤盡瘁溝渠民獲粒食水之爲利大矣顧害亦相緣先民有作後賢述之損益規隨乃能永濟江源導自岷山東別爲沱早著禹績李冰守蜀爰穿二江行舟有餘則用浸溉田以萬計民享其饒遷述何渠固志溝洫類詳言之蓋降水祛害而天府肇興灌治離堆其關鍵也夫河自天設渠則人施倍洫爲溝經絡交錯必有堰閘乃能啟閉隨時而飲水思源應詳流域支幹遞析宜以圖明務使形象瞭然不徒以空文見也邑

境多山又資塘水澇無足慮旱乃堪憂是當浚而深之以備瀦蓄庶幾三農並作不致荒蕪因類載焉述水利書第三

自貢法著於夏書地職詳於周禮國家財賦既有專司班氏約取洪範八政而以食貨名篇後史因之義取綜覈漢唐徵斂頗得其平兩稅更變適緣時會明創一條鞭法較爲簡易清則丁併於糧有孳生而無苛擾洵樂利矣咸豐多事乃有津捐變法以還雜征倍蓰民國後來居上附加無已密若牛毛果於國計民生並籌兼顧猶可說也今則荒政虛懸實業凋敝坐談何補徒飾皮毛生少食多民德以墮而預征遠越年度決算祇成具文俟河之清當有定制量入爲出古訓昭然補救彌縫且待賢者審知國本所在因時調劑必將藏富於民述食貨書第四

自古兵民合一舉國之內盡人皆兵其組織實基於田制山井而已而邱而

灌縣志

卷首 敘例

五

甸應出兵甲若干民籍隸司徒而軍事隸司馬即兵即民非有二物周禮既詳之矣孟子稱鄉田同井出入相友守望相助則後世之團防保甲亦寓其中不必更有編制也至若司隸之禁鬪焉陵亂司稽之掌巡市察奸是皆警察所權輿漢置司隸意亦相同何嘗盡爲西法哉有唐中葉變府兵爲召募兵民既分始重團練詭禁暴自衛所憑延及晚清復設巡警州縣具是三者用維秩序雖難名符其實而有備無患端在人爲固宜刷而新之未可因時廢食也述保衛書第五

三代同文之治法具於書而書守於官非官所掌即爲非法孔子所以必訪禮於柱下也自官失其守無所統宗劉向父子著錄分別九流尙能推究學出某官以著六典同文之緒至隋志列四部取便容納而師失其傳學術之源流晦矣方志條舉陳編宜依七略庶幾師法可尋至於史氏撰述率由舊

章遷承春秋班法史記早有定程章氏前志列傳卽循斯旨今列舊志於篇略爲提要以彰損益所本猶史例也金石用以考古足裨學術附庸文籍部次亦宜自宋以還每有集錄茲特廁載以備研求述藝文書第六

周禮大司徒以土會辨五地之物生而施十有二教山師川師則辨其物與利害頒之邦國使致其珍異是古人視博物爲專門而調查與陳列之法亦備誠以國家貧富準乎物力盈虛勒爲成書俾資考鏡意在阜民財而裨國用非徒侈多識已也觀於重耳對楚子蘇秦說列邦類能詳其物品後世如荆揚扶南諸異物猶有能志者晚近學荒不辨菽麥老農老圃徒知物名格致蓋雖言矣今宜考察鄉土廣爲臚列或卽今而驗古或舉名以證形或別類以明用藉興實業務弗棄貨於地而民有餘財爲益不旣宏哉夫觀物可以審土質而勸業有方察物可以見民風而敦弊有術此皆士夫之責也述

灌縣志

卷首 敘例

六

物產表第一

有周御史之職掌贊書數從政蓋太宰建六典存其綱紀而御史指數其人以贊之則百工敍而庶績熙古於官職姓名既有書矣班固百官公卿表敍職祖周官而表法宗史記年經事緯執簡馭繁後世紀載無法無文遂難徧及邑乘官師無幾固能以表括之夫親民之官莫重於令長佐治之職無過於尉丞教化責在師儒擇禦尤資武備官無曠闕並亮天工民氣昭蘇國本乃立至於勤農之典古有明徵地平天成功奏水土灌據岷沱上游縮穀二江澆漑萬井專官之設亦云舊矣例得並載以勵所司述職官表第二

古之庸民者教養並重虞書言三事正德先於利用厚生誠以人之所以貴於物者貴其有倫紀也唐虞設官契敷五教三代立學皆以明倫而周制尤備家塾黨庠州序國學大小兼置雖其時族有階級而教則無限制焉周衰

學廢判爲九流漢定一尊獨崇儒術歷代均有學校隆替相循漸至文敝在昔人用以經世六藝咸通晚近則禮壞樂崩民德滋墜歐風東扇變法乘時科學嶄新百端具舉旁及訓俗亦復有方意在轉益多師恢我文化而喜新厭故並失蹄筌是知舍己從人端在擇善取其精粹不應襲其皮毛世有明達宜匡救之述教育表第三

周制鄉大夫三年大比興賢能而獻書於王登之天府漢舉孝茂賢良力田即其遺法魏晉九品中正寢失古意六朝州郡僑遷人鮮土著鄉舉勢難盡行隋創科目逮唐而盛宋元明清承其制趨重文學資格頗尊而科條繁委好事者采綴聞見遂有成書如登科記唐摭言之類是史官蒐輯掌故編於書志義例較爲嚴謹而陳編猥瑣無文弗能及遠故事竟闕焉不備近代方志特表科貢是亦古人賢書之遺以視雜錄其寸有所長哉惟記載法疏不

灌縣志

卷首 敘例

七

悉事緯年經之例或附事蹟與傳無分斯失矣今先詳制度後列題名遞以世次其薦辟封蔭諸端不可以年紀者附後亦春秋歸餘於終之義世表列敘相參之法也述選舉表第四

傳對經而得名易之象象文言與公穀左氏解經之文皆曰傳史遷以十二本紀比春秋餘則人別爲篇標傳稱列經簡嚴而傳華美後世沿流競作無經之傳不獨史氏爲然矣郡邑志書若陳留耆舊傳會稽先賢傳之類其來已久然網羅綴輯細大不捐擇言猶貴馴雅要使顯微闡幽文成法立否則行而不遠何能使人興起哉夫國史徵於方志方志徵於家譜博徵約取律以正史通裁而區爲定品聞見相參折衷至當足以信後而漸不朽庶免於形似類書雜五金而利鈍同鑄也至若誼關風教而事無可徵削之則沒幽光載之則如嚼蠟然史遷傳仲尼弟子固有僅具姓名者茲倣其例輯綴之

述人士傳第一

列女之名始於劉向范史因之或重其學或尊其節或著其才義非一端劉知幾病蔚宗傳蔡琰是不知類也律令旌節婦必夫死在三十內行年歷五十外不幸夭亡亦須濼處逾十五年然婦德非可以年論律包者廣不得不存限制若在州里但求徵實足矣夫據事直書行誼自見何庸標目惟觀文易悉不妨類聚羣分若謂方人則吾豈敢其他無事可敘則略存其姓氏年歲類錄附後章氏有言列女人微迹隱而綱維大義地不乏人人不乏事輶軒遠而難採輿論習以爲常奇節高行每與草木同萎其傳亦幸也可不念哉述列女傳第二

原夫設官之意皆以爲民目曰官師義含教養州縣爲國家一區域微特膺民社者應重官常即在武夫亦豈敢踰尺度柳宗元曰吏爲民役非以役民

灌縣志

卷首 敘例

八

洵知言哉雖然徒法不行人亡政息覆餗者蓋亦多矣夫擇人而理勢難盡得其人若孫仲所爲賢牧傳庶幾循吏卓有可存惟不當與士女並書誠以官民同錄則體制無分主客相亂也茲仿章氏政略擇其善者紀之專取政績以勵賢良政在一方不泛及其生平始末文翁流譽蜀郡吳起奏效西河特視其爲政何如耳述政績紀第一

國家禮制有定而五方風氣不同習慣所因趨嚮各別勢難執一以繩記曰禮從宜使從俗蓋禮順人情俗相沿襲不能強同苟無妨害則任其自然耳在昔神道設教三禮典於秩宗自漢以來宗教迭起雖近淫祀而信教亦復自由若乃政觀於鄉禮失求野衡其得失可定從違推之譜牒古有專司族系分明乃至數典忘祖而言語根於傳習變化局於方隅欲其從同實難相強溝而通之必須互證夫民性有剛柔世運有隆替禮窮於治則刑以齊

之法禁所以補教化寧非政所不廢哉措置咸宜要不外與時消息是在能自得師者述禮俗紀第二

古代史官掌志時事列國均有之墨子所見百國春秋比於今之邑乘若其闕而不載豈古人立史之意哉失史體有編年有紀事編年或僅揭大綱或并條細目紀事或縷息原委或備載庶端二體實互相爲用施於邑乘尤宜蓋事有繁簡編年不便自爲綱目應以紀事補之務使事蹟瞭然不致曠佚兼收博采庶廣異聞也近代志書多有大事紀或表竊謂識大識小俱關道藝傳疑傳信自有取裁苟不在闕如之列例得並書惟確惟詳是必顧名思義繼洪悉舉貴在存真述故實紀第三

漢志謂小說家出於稗官巷議街談實采風所不廢方志既博徵約取所餘之材無類可歸闖入則嫌不倫棄之又覺可惜儕於說部亦猶經有別解史

灌縣志

卷首 敘例

九

有外傳子有外篇雖無當於宏旨卻有助於多聞前人作志蓋嘗附餘編或雜紀矣夫災祥之說本於陰陽五行神話不經特以傳疑備考異物罕見非盡無徵若以學理相衡固多鑿柄而傳聞自昔究未可武斷擯之也綴以殿後是亦無傷述撫餘紀第四

右志十六篇分類撰述俾有統系而大體歸于隸事事過碎者則列表以馭繁事難顯者則繪圖以彰隱惟人物綜以列傳故實貫以長編庶幾綱舉目張鮮所罣漏盡心焉耳矣吾國方志充棟固有佳者章氏於史學源流曲證旁通淵然洞達其所論著洵足冠冕時流圭臬後進尤斯學之準繩也近著如寶山定海富順井研諸志或變通節目而不爲舊例所拘或詳審體裁而尙與雅馴相近一端可取主善爲師舍己從人準今酌古而體要則衷於章氏無成見無師心自用之誚其免乎

昔章氏謂州縣宜立志科專司圖籍以爲故事可徵而後國有信史舉周禮
司會黨正閭胥誦訓小史形方諸職所掌以證之善哉言乎惜其未能行也
又謂方志宜立三書乃可以通古人之遺意倣紀傳正史之體而作志倣律
令典例之體而作掌故倣文選文苑之體而作文徵三書相輔闕一不可合
而爲一尤不可以其各有體裁也彼撰方志既實行之而爲識者所許今師
其意輯錄備覽用以經紀一方之文獻各爲編亦相屬

灌縣志

卷首 敘例

目次

輿地書

沿革 疆域 輿圖 山川 古蹟 墳墓

營繕書

縣治 祠廟 坊表 交通 關隘 市集

水利書

何渠 附圖 修濬 經費 隄堰 泉塘 車水

食貨書

土宜 實業 錢幣 稅斂 民生概況

保衛書

兵備 警政 團務

灌縣志

卷首 目次

十一

藝文書

書目 前志 金石

物產表

植物 動物 礦物 成品

職官表

令長 知縣 知事 縣長 知軍 判官 參軍 監鎮 水利

簽事 水利同知 水利知事 主簿 縣丞 縣尉 典史 巡

檢 教諭 訓導 守備 千總 把總 外委 警佐 所長

視學 局長 管獄員 保安營長 保衛團副團長

教育表

學制 教程 設校 綜計

選舉表

科貢 雜秩

人士傳

鄉賢 孝友 義烈 獨行 文學 武功 隱逸 流寓 藝術

方外 善舉 耆壽

列女傳

節孝 貞烈 賢淑 才媛 壽婦

政績紀

周吏 漢吏 晉吏 唐吏 五代吏 宋吏 元吏 明吏 清

吏 民國史

禮俗紀

灌縣志

卷首 目次

十二

禮文 宗教 氏族 鄉風 方言 法禁

故實紀

軍事 民事

撫餘紀

災祥 神話 異物 軼聞

灌縣志卷一

輿地書 沿革 疆域 輿圖 山川 古蹟



蜀爲西南奧區灌近成都襟江帶山土饒物衍天府之屏蔽也顧有郡縣以來境常分隸他邑興廢不常元改灌州始與今地相若其變遷之迹有可得而述者

灌於古爲蜀國地黃帝子昌意娶蜀山氏女其支庶遂封於蜀蜀志虞夏

隸梁州書所謂岷山導江是也商省梁入雍周伐商蜀與焉仍隸雍爾雅周禮

周衰蠶叢稱王始建國都維泌世族譜漢氏國今彭州導江有氏至魚鳧而後徙成州秦惠

王滅蜀置郡漢因之隸益州蜀郡領縣十五郫江原縣屬皆跨今縣地漢書

地理志郫注云禹貢江沱在西江原注云郫水首受江綿虜注云玉壘山瀾

水所出以今地準之諸水皆歷縣境江以東綿虜地爲多郫僅一隅江以西

灌縣志 卷一 輿地書

則統屬江原武帝元封四年分蜀郡北部爲汶山郡宣帝併入蜀郡爲北部

都尉而郫江原綿虜仍隸蜀郡漢無改後漢書建安間昭烈初置九郡東

以屬汶陽晉書漢安帝置新安汶陽二郡與地紀勝三國晉易漢制徙都安於灌口改屬汶

山郡晉書汶山郡統汶山升遷都安廣陽興樂平康廣柔江原仍隸蜀郡晉書李雄據蜀別

立江原郡晉討滅之改江原郡曰晉原寰宇記李雄立江原郡在今崇慶州

屬焉咸安間沒於苻氏太和八年復歸晉宋沿於晉汶山仍轄都安江原則

歸晉原南齊永明初別於江原立齊基縣與都安并隸汶山郡齊書地蕭梁兼

置齊基郡郡縣後魏始置灌口鎮輿地後周天和三年廢汶山郡以都安入郫

別於灌口置汶山縣寰宇四年改齊基爲青城縣隋因之唐武德初廢汶山

縣置盤龍縣尋改導江復移縣於都安舊治割屬濠州旋屬益州貞觀中改

縣置盤龍縣尋改導江復移縣於都安舊治割屬濠州旋屬益州貞觀中改

縣置盤龍縣尋改導江復移縣於都安舊治割屬濠州旋屬益州貞觀中改

縣置盤龍縣尋改導江復移縣於都安舊治割屬濠州旋屬益州貞觀中改

曰灌寧別於灌口置鎮靜軍

寰宇記

軍所理者四鄉耳垂拱二年以導江屬彭

州青城隸蜀州開元十八年易青城爲青城

縣治在今雷家渡高墩子

孟蜀改軍爲灌州轄

導江青城二縣

輿地紀勝

割青城郭姓等八鄉置永康縣

寰宇記

隸蜀州後廢爲四

界鎮

遺址在今街子場清初場歸縣轄乾隆五十八年併入崇慶州

宋乾德四年改灌州爲永安軍太平興國三年

改永安爲永康以導江青城來屬熙寧五年廢軍爲峇導江仍隸彭州青城

仍歸蜀州九年復易峇爲軍轄導江青城如故元初改軍置灌州至元十三

年省導江青城入焉屬成都路明洪武中降州爲縣屬成都府清因之歷數

百年無變更民國廢府隸西川道旋廢道隸四川省

前志新采右沿革

舊疆域廣狹宋以前不可攷今縣境東至崇寧縣界三十里至崇寧縣治五

十里西至瓦刺土司界六十里至瓦刺土司治一百二十里南至崇慶縣界

六十五里至崇慶縣治一百一十里北至茂縣及汶川縣界六十五里至茂

灌縣志

卷一 輿地書

一一

縣治二百八十里汶川縣治一百五十里東南至郫縣界三十五里郫縣治七十里溫江縣界四十里溫江縣治九十里西北至汶川縣界十五里西南至崇慶分縣界五十里分縣治八十里東北至彭縣界四十里至彭縣治七十里綜計幅員南北縱長一百三十里東西橫長九十里西北至東南斜長五十五里東北至西南斜長九十里面積約四千九百五十餘方里東至四川省會一百二十里東北至京師陸程五千八百二十里水程一萬九百里自輪軌肇興路直而速需時不及三之一焉今首都在江寧水程相距約七千餘里陸程相距約五千餘里

縣域編戶清初分四村二十六甲亦曰四鄉犬牙交錯金村古名伏龍鄉領甲八村市五金馬蒲陽胥家分鎮聚源崇義及城廂東北隅周村古名大樂鄉領甲六村市五太平太安安龍青龍旁領石羊南溪口豐都廟一帶陳村

古名彭門鄉領甲六村市六石羊柳街八角順江崇義土橋及駕虹橋一帶
後村古名滋茂鄉領甲六村市五中興大興玉堂漩口興仁及城廂西南隅
凡村市皆以場名方言也咸豐以來村析爲四十八局團隸於局而甲隸於
團光緒三十一年改局爲四十一區遞轄團甲如故宣統三年創辦自治更
易區爲團易團爲甲易甲爲牌而分統以城鎮鄉民國仍之

城廂第一團領甲十二大公瑞蓮馬桑拱極三齊上協力中協力下協下景
春一景春二景春三景春四第二團領甲五通裕三義永濟天乙仁義第三
團領甲七建福翔鳳永桂三毅三合豐樂蓮華第四團領甲六奎光清平興
隆吉慶上伏龍下伏龍第五團領甲十澤惠威儀安靖恩儀濟公世泰清平
仁和德盛民新第六團領甲十六崇德人和奎采和順同心義和里和人義
慶豐禦侮清和清平集慶永安敦倫五福第七團領甲十五喻義三議永靖

灌縣志

卷一 輿地書

三

元順新立親睦靈山保安尙義上元永清同升忠和太平青龍

三陽鎮第一團領甲十四上保安中保安下保安威鎮武安公義治安忠義
永清三義久安里靖慶積威武第二團領甲十二相護復興關義太和鍾靈
清平福親安義從德毅安仁義登能第三團領甲十三寧靜醇厚清評恩諭
仁和友助久淹衛義均同公議均平東守望西守望第四團領甲十四致平
崇興咸和吉安崇毅清議平川上親平下親平清正清順清晏保安南山第
五團領甲十五有次第無甲名第六團領甲十相助守望上清平下清平西
永靖東永靖龍安仁毅安靖安寧第七團領甲十一官義守望親睦上龍安
西龍安東合助西合助義鄉上忠義下忠義人毅第八團領甲十二義和三
益清穆化廷治安泰安尊慰定安勇義公正安化太和第九團領甲十一清
安義靖境泰清評安集平安清隆上禦侮下禦侮東效諭西效諭第十團領